



Umhverfis- og auðlindaráðuneytið
Skuggasundi 1
101 Reykjavík

UMHVERFIS- OG AUÐLINDARÁBENYTTIÐ	
UMH	20040040
MÓTL.	26. MAÍ 2020
MI.	8.11
	Áb.

20. maí 2020
Tilv.: UMH20040040/8.11

Álit Heilbrigðisnefndar Kjósarsvæðis á erindum Mosfellsbæjar og Seltjarnarnesbæjar.

Meðfylgjandi er álit Heilbrigðisnefndar Kjósarsvæðis á erindum Mosfellsbæjar og Seltjarnarnesbæjar um sameiningu heilbrigðiseftirlitsvæða.

Virðingarfyllst



Árni Davíðsson
heilbrigðisfulltrúi

Umsögn Heilbrigðisnefndar Kjósarsvæðis um erindi Mosfellsbæjar og Seltjarnarnesbæjar um niðurlagningu Heilbrigðiseftirlits Kjósarsvæðis

Vísað er í bréf Umhverfis- og auðlindaráðuneytisins dagsettu 8. maí þar sem kynnt er að Mosfellsbær hafi með erindi til ráðuneytisins dagsett 3. apríl sl. farið þess á leit að ráðuneytið kanni möguleikann á því að Heilbrigðiseftirlit Kjósarsvæðis verði lagt niður í núverandi mynd og að heilbrigðiseftirlit Mosfellsbæjar sameinist eftirlitssvæði Hafnarfjarðar og Kópavogssvæðis. Sambærilegt erindi barst ráðuneytinu frá Seltjarnarnesbæ þann 5. maí sl. Ráðuneytið óskar umsagnar Heilbrigðisnefndar Kjósarsvæðis um ofangreind erindi.

Heilbrigðisnefnd Kjósarsvæðis er almennt opin fyrir breytingum ef þær eru til hagsbóta fyrir eigendur Heilbrigðiseftirlits Kjósarsvæðis, almenning og fyrirtæki í sveitarfélögunum. Meirihluti nefndarinnar (5 af 6 fulltrúum) er undrandi á því hvernig staðið er að þessari tillögu sem upphaflega kemur frá Mosfellsbæ þar sem ákvörðunin virðist tekin í skyndi án þess að hún hafi verið rædd við aðildarsveitarfélögin. Hagkvæmni af sameiningunni hefur ekki verið skoðuð opinberlega eða metið hvort hún sé til hagsbóta fyrir almenning í þessum sveitarfélögum. Á fundi nr. 757 bæjarstjórnar Mosfellsbæjar þann 25. mars lagði fulltrúi L lista fram tillögu um að bæjarráði yrði falið að fjalla um og kanna kosti þess og galla, að Mosfellsbær dragi sig út úr núverandi samstarfi. Tillagan var felld með meirihluta atkvæða.

Þess má geta að Heilbrigðiseftirlit Kjósarsvæðis er fagleg, metnaðarfull, öflug og vel rekin stofnun með góðan fjárhag, farsælan feril og skilaði rekstrarafgangi uppá 1.200.000 kr. á síðasta ári. Nánar má finna upplýsingar um fjármál ársins 2019 í ársskýrslu eftirlitsins sem er að finna á slóðinni eftirlit.is. Ársreikningar ársins eru í vinnslu en verða lagðir fram á næstu vikum.

Meirihluti nefndarinnar telur að rök skorti með erindum sveitarfélaganna til ráðuneytis umhverfismála. Þá liggur ekki fyrir samþykki þeirra sveitarfélaga, sem eru innan þess eftirlitssvæðis er Mosfellsbær og Seltjarnarnes áforma að falla undir, um hvort þau vilji taka við Mosfellsbæ eða Seltjarnarnes eins og sakir standa. Meirihluti heilbrigðisnefndar telur að málið sé vanreifað og að efnisleg rök skorti til að taka afstöðu til sameiningar.

Mosfellsbæ 19. maí 2020

Virðingarfyllt

Sign.

Valborg Anna Ólafsdóttir
Hannes Tryggvi Hafstein
Magnús Rúnar Dalberg
Linda Björk Ragnarsdóttir
Sigríður Klara Árnadóttir

Fulltrúi D Lista í Mosfellsbæ tekur ekki undir framliggjandi umsögn og leggur fram eftirfarandi umsögn til Umhverfis- og auðlindaráðuneytis.

Umsögn um erindi Mosfellsbæjar og Seltjarnarnesbæjar um niðurlagningu Heilbrigðiseftirlits Kjósarsvæðis.

Á örfáum árum hefur íbúum í Mosfellsbæ fjölgað verulega en þegar Heilbrigðiseftirlit Kjósarsvæðis var komið á laggirnar fyrir um 25 árum voru íbúar því sem næst jafn margir í Mosfellsbæ og á Seltjarnarnesi. Í dag er staðan sú að íbúar í Mosfellsbæ eru um það bil þrisvar sinnum fleiri en íbúar Seltjarnarness og frekari íbúafjölgun mun eiga sér stað á næstu árum.

Það eru því hagsmunir Mosfellsbæjar að verða aðili að fjölþættara heilbrigðiseftirliti þar sem verkaskipting og sérþekking starfsmanna styður enn betur við öflugt sveitarfélag í örum vexti og með nýjum atvinnusvæðum. Fjölmennari skipulagseining, eins og Heilbrigðiseftirlit Hafnarfjarðar- og Kópavogssvæðis, er betur til þess fallin að mæta þörfum Mosfellsbæjar í bráð auk þess sem gera má ráð fyrir því að öll aðildarsveitarfélög slíks samstarfs njóti áhrifa af hagkvæmni stærðarinnar.

Loks er til þess að líta að framlög til rekstur Heilbrigðiseftirlit Kjósarsvæðis eru greiddur í hlutfalli við íbúafjölda sveitarfélaganna og því greiðir Mosfellsbær rúmlega 70% framlaga en hefur tvo fulltrúa af sex í stjórn eftirlitsins. Það þýðir að raunveruleg framkvæmd lýðræðis innan samstarfsins er verulega ábótavant vegna þessa galla á uppbyggingu samstarfsins sem kallast öðru nafni lýðræðishalli og felur í sér að ekki er ásættanlegt samband á milli fjárframlaga og áhrifa á stefnu og þróun starfseminnar.

Kostnaður við rekstur heilbrigðiseftirlit Kjósarsvæðis er hlutfalllega hærri en svo dæmi sé tekið Heilbrigðiseftirlit Hafnarfjarðar- og Kópavogssvæðis. Gera má ráð fyrir því að kostnaður Mosfellsbæjar geti lækkað verulega með því að hefja samstarf við heilbrigðiseftirlitið á suðursvæðinu.

Það er því mat Mosfellsbæjar að með stækkun bæjarins og auknum umsvifum og þörfum þess fyrir fjölþætt heilbrigðiseftirlit sé það í senn faglega og fjárhagslega mikilvægt að verða aðila að stærra eftirlitssvæði.

Mosfellsbæ 19. maí 2020
Virðingarfyllst

Sign.
Arna Hagalínsdóttir